

J vous de la Valgranda

Joska la rossa

El muro bianco, drío de la to casa
ti te saltavi come un oseleto,
Joska la rossa, pèle de bombasa,
tute le sere prima de `nà in leto.
Te stavi lì, co le to scarpe rote
te ne vardavi drío da j' oci mori
e te balavi alegra tuta note
e i baldi alpini te cantava i cori. Oh.

Joska, Joska, Joska,
salta la mura!
Fin che la dura, oh.
Joska, Joska, Joska,
salta la mura!
Bala con mi! Oh.

Ti te portavi el sole ogni matina,
e de j 'alpin te geri la morosa,
sorela, mama, boca canterina,
oci del sol, meravigliosa rosa.
Xe tanto e tanto nù, ca te zerchémo,
Joska la rossa, amor, rosa spanía.
Ma dove sito andà? Ma dove andemo?
Semo ramenghi. O morti. E così sia. Oh.

Joska, Joska, Joska,
salta la mura!
Fin che la dura, oh.
Joska, Joska, Joska,
salta la mura!
Bala con mi! Oh.

Busa con crose. Sarà sta i putéi?
La par `na bara e invece zè `na cuna.
E dentro dorme tuti i to fra dei,
fermi, impalà, co i oci ne la luna. Oh.

Joska, Joska, Joska,
salta la mura!
Fin che la dura, oh.
Joska, Joska, Joska,
salta la mura!
Fermate là! Oh.

Fermate là

Parole di Carlo Gemignani, musica di Bepi de Marzi